

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA SREBRENİK



BOSNIA AND HERZEGOVINA  
FEDERATION OF BOSNIA AND  
HERZEGOVINA  
TUZLA CANTON  
MUNICIPALITY SREBRENİK

NACRT

## ODLUKA

**O RADNOM VREMENU OBJEKATA U OBLASTI TRGOVINE, UGOSTITELJSTVA,  
ZANATSTVA I USLUŽNIH DJELATNOSTI**

**OBRAĐIVAČ:** Služba za poduzetništvo, lokalni razvoj i investicije

**PREDLAGAČ:** Općinski načelnik

**RAZMATRA:** Općinsko vijeće

Srebrenik, septembar 2017. ogine

Na osnovu člana 13. Zakona o principima lokalne samouprave ("Službene novine FBiH", broj: 49/06 i 51/09), člana 40. Zakona o obrtu i srodnim djelatnostima ("Službene novine FBiH", broj: 35/09 i 42/11), člana 24. Zakona o unutrašnjoj trgovini ("Službene novine FBiH", broj: 4/10), člana 11. Zakona o ugostiteljskoj djelatnosti ("Službene novine FBiH", broj: 32/09) i člana 24. Statuta Općine Srebrenik ("Službeni glasnik Općine Srebrenik", broj: 1/08), Općinsko vijeće Općine Srebrenik, na sjednici održanoj dana \_\_\_\_\_ 2017. godine, donijelo je:

## **ODLUKU**

### **O RADNOM VREMENU OBJEKATA U OBLASTI TRGOVINE, UGOSTITELJSTVA, ZANATSTVA I USLUŽNIH DJELATNOSTI**

#### **I – OPĆE ODREDBE**

##### **Član 1.**

Ovom Odlukom uređuje se radno vrijeme u toku sedmice, raspored, početak i završetak dnevnog radnog vremena (u daljem tekstu: radno vrijeme) objekata u oblastima: trgovine, ugostiteljstva, turizma, zanatstva i drugih uslužnih djelatnosti na području Općine Srebrenik.

##### **Član 2.**

Odredbe ove Odluke ne primjenjuju se na:

- poslovne jedinice odnosno objekte koji pružaju ugostiteljske usluge svojim radnicima, odnosno članovima zaposlenim u preduzećima, ustanovama, organizacijama, udruženjima i slično;
- stovarišta u kojima se vrši promet robe na veliko i
- prodajna mjesta u sklopu pijaca.

##### **Član 3.**

Pod radnim vremenom, u smislu ove Odluke, smatra se minimalno radno vrijeme u kojem objekti iz člana 1. ove Odluke moraju biti otvoreni, radi pružanja usluga i zadovoljavanja potreba građana iz predmeta njihovog poslovanja.

Radno vrijeme iz stava 1. ovog člana može biti i duže od minimalnog, a pod uslovima određenim ovom Odlukom.

##### **Član 4.**

Minimalno radno vrijeme traje najmanje 7 (sedam) sati dnevno, s tim da ne može biti kraće od četiri sata prije podne i tri sata poslije podne, ako ovom Odlukom nije drugačije određeno.

Izuzetno, u dane vikenda: subotom i nedjeljom, u dana državnih i vjerskih praznika, može se odrediti i kraće dnevno radno vrijeme.

Radna sedmica ne može biti kraća od šest dana, osim ako ovom Odlukom nije drukčije određeno.

Privredni i drugi subjekti, na koje se ova Odluka odnosi, mogu organizovati rad objekata u dvokratnom radnom vremenu, u kojem slučaju, u periodu ljetnog računanja vremena: prijepodnevno radno vrijeme mogu odrediti u vremenu između: 6<sup>oo</sup> i 12<sup>oo</sup> sati, a poslijepodnevno radno vrijeme u vremenu između: 15<sup>oo</sup> i 20<sup>oo</sup> sati, dok u periodu zimskog računanja vremena: prijepodnevno radno vrijeme mogu odrediti u vremenu između 7<sup>oo</sup> i 12<sup>oo</sup>, a poslijepodnevno radno vrijeme u vremenu između: 15<sup>oo</sup> i 19<sup>oo</sup> sati.

## Član 5.

Radno vrijeme može biti i duže od minimalnog radnog vremena propisanog ovom Odlukom.

Radno vrijeme iz prethodnog stava utvrđuju pravna i fizička lica, kao i druga lica koja obavljaju djelatnosti na koja se ova Odluka odnosi, vodeći računa o potrebama građana, uslovima rada, broju zaposlenih radnika i slično, ako ovom Odlukom ili drugim propisom nije regulisano drugačije.

## Član 6.

Obavijest o radnom vremenu, kao i danima kad objekat ne radi, mora biti istaknuta na vidnom mjestu na ulazu u poslovne prostorije, kojeg radnog vremena su se dužni pridržavati davaoci usluga odnosno pravna i fizička lica koja obavljaju djelatnost.

## Član 7.

Objekti u oblasti trgovine, ugostiteljstva, turizma, zanatstva i drugih uslužnih djelatnosti na području općine Srebrenik, na koje se odnosi ova Odluka, mogu jedan dan u sedmici odrediti kao neradni dan (dan odmora), osim objekata za koje je ovom Odlukom propisano da rade svaki dan.

## II – POSEBNE ODREDBE

### 1. TRGOVINSKA DJELATNOST

#### Član 8.

Radna sedmica prodajnih objekata u kojima se obavlja trgovina na veliko, trgovina na malo i trgovinske usluge ne može biti kraća od 6 (šest) dana.

Minimalno radno vrijeme prodajnih objekata iz prethodnog stava određuje se u skladu s odredbama člana 4. ove Odluke, osim ako ovom Odlukom ili drugim propisom za određene objekte nije regulisano drugačije.

#### Član 9.

Maksimalno radno vrijeme trgovinskih objekata iz člana 7. ove Odluke može trajati od 6<sup>00</sup> do 22<sup>00</sup> sata, osim sljedećih objekata:

- Trgovinske radnje tipa "drakstor" imaju radno vrijeme od 6<sup>00</sup> do 24<sup>00</sup> sata, s tim da, u skladu s odredbama člana 5. ove Odluke, mogu organizovat radno vrijeme non - stop od 00 do 24<sup>00</sup> sata svakim radnim danom;
- Benzinske pumpe, te trgovinski i ugostiteljski objekti koji rade u sklopu benzinskih pumpi, imaju radno vrijeme svakim danom od 6<sup>00</sup> do 23<sup>00</sup> sata, s tim da mogu, u skladu s odredbama 5. ove Odluke, organizovati radno vrijeme svakim danom non-stop od 00 do 24<sup>00</sup> sata;
- Trgovine koje se bave pretežno prodajom pekarskih proizvoda, a koje se sastavni dio ili neposredno locirane uz proizvodni dio objekata za proizvodnju pekarskih proizvoda (pekare) imaju radno vrijeme svakim danom od 6<sup>00</sup> do 24<sup>00</sup> sata, s tim da mogu, u skladu s odredbama člana 5. ove Odluke, organizovati radno vrijeme nono-stop svakim danom od 00<sup>00</sup> do 24<sup>00</sup> sata.

#### Član 10.

Radno vrijeme trgovinskih objekata – prodavnica na malo prehrambenim proizvodima, u periodu ljetnog računanja vremena, rade od 6<sup>oo</sup> do 19<sup>oo</sup> sati, a u zimskom računanju vremena od 7<sup>oo</sup> do 18<sup>oo</sup> sati, s tim da se u istima može organizovati radno vrijeme maksimalno do 22<sup>oo</sup> sata.

Izuzetno trgovinski objekti – prodavnice, koje ne mogu organizovati radno vrijeme po odredbama prethodnog stava, mogu raditi dvokratno po odredbama člana 4. ove Odluke.

## 2. UGOSTITELJSKA I TURISTIČKA DJELATNOST

#### Član 11.

Radno vrijeme ugostiteljskih objekata može trajati svakim danom od 6<sup>oo</sup> do 24<sup>oo</sup> sata, a petkom i subotom od 6<sup>oo</sup> sati tekućeg do 01<sup>oo</sup> sat narednog dana, s tim da u dane državnih praznika može trajati do 04<sup>oo</sup> sata narednog dana, ako za pojedine objekte ovom Odlukom ili drugim aktima nije određeno drugačije.

#### Član 12.

Ugostiteljski objekti koji se nalaze van naseljenih mjesta na području općine Srebrenik, mogu radno vrijeme organizovati tako da se ono završava u 02<sup>oo</sup> sata, a petkom, subotom i praznikom u 04<sup>oo</sup> sata.

#### Član 13.

Hoteli, moteli, pansioni, prenoćišta i drugi objekti koji pružaju usluge smještaja dužni su organizovati rad recepcije svakim danom non-stop od 00<sup>oo</sup> do 24<sup>oo</sup> sata.

#### Član 14.

Za ugostiteljske objekte iz skupine "BAROVI": noćni barovi i noćni klubovi, koji ispunjavaju uslove za rad noću u zatvorenim prostorima, određuje se radno vrijeme od 20<sup>oo</sup> sati tekućeg do 04<sup>oo</sup> sata narednog dana.

#### Član 15.

Disko barovi i disko klubovi mogu imati radno vrijeme od 18<sup>oo</sup> sati tekućeg do 04<sup>oo</sup> sata narednog dana, odnosno u dane državnih i vjerskih praznika do 05 sati, s tim da radno vrijeme ovih objekata lociranih u I gradskoj zoni, kao i onih koji se nalaze u stambeno-poslovnim objektima kolektivnog stanovanja, može trajati od 18<sup>oo</sup> do 24<sup>oo</sup> sata, a u petak, subotu i državnim i vjerskim praznicima do 01 sat narednog dana.

#### Član 16.

Automati za prodaju hladnih i toplih pića i napitaka, sendviča i drugih toplih jela, slastica i drugih sličnih proizvoda postavljenih na javnim površinama mogu imati radno vrijeme od 6<sup>oo</sup> do 22<sup>oo</sup> sata.

#### Član 17.

Muzika (živa i reproducirana) u svim ugostiteljskim objektima mora prestati jedan sat prije prestanka radnog vremena propisanog ovom Odlukom za dotični objekat, ako drugim propisom odnosno aktom nadležnog organa nije regulisano drugačije.

## Član 18.

Ljetne bašte postavljene na javnim površinama i ljetne bašte uz ugostiteljski objekat moraju biti raspoređene najkasnije pola sata nakon završetka radnog vremena.

## Član 19.

Svi ugostiteljski objekti, koji u skladu sa pozitivnim propisima mogu organizovati živu muziku, za izvođenje iste, dužni su prethodno pribaviti odobrenje nadležne općinske službe, bez obzira na redovno ili produženo radno vrijeme, uz ispunjenje uslova iz člana 21. ove Odluke.

## Član 20.

Svi ugostiteljski i turistički objekti koji se nalaze u stambeno-poslovnim objektima kolektivnog stanovanja, zgradama, u čijoj neposrednoj blizini borave i rade građani, moraju ispunjavati sve uslove iz propisa o zaštiti od buke.

## Član 21.

Nadležna općinska služba, na zahtjev vlasnika ugostiteljskih objekata koji posluju tokom cijele godine, može izdati jednodnevno odobrenje za produženje radnog vremena do 03 sata u odnosu na propisano radno vrijeme za isti objekat, ukoliko se u ugostiteljskom objektu ili u njegovoj neposrednoj blizini organizuje javna manifestacija ili prigodna proslava i slično.

Ugostiteljskim objektima iz stava 1. ovog člana, koji se nalaze u stambeno-poslovnim zgradama kolektivnog stanovanja, ne može se produžiti radno vrijeme.

Nadležna općinska služba će ocijeniti razloge i opravdanost potrebe za produženje radnog vremena.

Nadležna općinska služba će izdati odobrenje iz stava 1. ovog člana (izuzev ugostiteljskih objekata iz stava 2. ovog člana) ako su kumulativno ispunjeni slijedeći uslovi:

- ako su obezbjeđeni uslovi zaštite od buke, po važećim propisima,
- ako je neophodno da se osigura kontinuitet zadovoljavanja potreba građana,
- ako vlasnik radnje ili odgovorno lice privrednog društva u čijem sastavu posluje ugostiteljski objekat, u jedinstvenom registru novčanih kazni nema evidentiranih neplaćenih novčanih obaveza po osnovu prekršajnih naloga,
- ako u ugostiteljskom objektu, za koji se traži produženje radnog vremena, nije evidentirano izvršenje krivičnog djela protiv života i tijela u redovnom ili produženom radnom vremenu u posljednjih šest mjeseci od dana podnošenja zahtjeva,
- ako u ugostiteljskom objektu, za koji se traži produženje radnog vremena, u posljednja tri mjeseca od dana podnošenja zahtjeva, nije evidentiran teži oblik narušavanja javnog reda i mira u produženom radnom vremenu,
- ako u objektu, za koji se traži produženje radnog vremena, u posljednja tri mjeseca od dana podnošenja zahtjeva nije evidentiran rad bez odobrenja nadležne službe ili rad izvan propisanog radnog vremena, ili rad izvan radnog vremena utvrđenog posebnim rješenjem nadležne službe u skladu sa odredbama ove Odluke.

Dokaze o ispunjavanju uslova iz prethodnog stava, pribavljene od nadležne policijske uprave MUP-a i drugih nadležnih organa odnosno institucija, podnosilac zahtjeva, zajedno sa ostalim dokazima, prilaže uz zahtjev nadležnoj općinskoj službi, koja ocjenjuje razloge i opravdanost podneska za produženje radnog vremena ili za izvođenje muzike uživo.

### 3. ZANATSKE I DRUGE USLUŽNE DJELATNOSTI

#### Član 22.

Zanatske radnje i druge uslužne djelatnosti odredit će svoje radno vrijeme po odredbama članova: 4. i 5. ove Odluke.

Radno vrijeme objekata iz stava 1. ovog člana ne odnosi se na proizvodne pogone i radnje koje zbog karaktera procesa proizvodnje moraju poslovati mimo radnog vremena propisanog ovom Odlukom za zanatske i uslužne djelatnosti, uz obavezu poštivanja propisa o javnom redu i miru.

Svi zanatski i proizvodni objekti u kojima se obavlja djelatnost koja proizvodi buku, a u čijoj neposrednoj blizini borave i rade građani, moraju ispunjavati uslove propisane Zakonom o zaštiti od buke.

#### III - KAZNE NE ODREDBE

#### Član 23.

Novčanom kaznom u iznosu od 500,00 do 2.000,00 KM, kaznit će se za prekršaj pravno lice ako:

- odredi radno vrijeme objekata suprotno ili u neskladu sa ovom Odlukom;
- ako na propisan način ne istakne obavijest o radnom vremenu ili se ne pridržava istaknutog radnog vremena i
- ako ne ispunjava posebne uslove iz propisa o zaštiti od buke.

Novčanom kaznom u iznosu od 300,00 do 500,00 KM, kaznit će se i odgovorno lice u pravnom licu za prekršaj iz stava 1. ovog člana.

Novčanom kaznom od 300,00 do 1.500,00 KM, kaznit će se i fizičko lice koje obavlja samostalnu djelatnost za prekršaj iz stava 1. ovog člana.

#### IV PRIJELAZNE I ZAVRŠNE ODREDBE

#### Član 24.

Nadzor nad sprovođenjem odredaba ove Odluke vršit će nadležna inspekcija i nadležna Policijska uprava.

#### Član 25.

Pravna lica, građansko-pravna i fizička lica koja obavljaju samostalnu djelatnost, dužni su uskladiti radno vrijeme svojih objekata odnosno djelatnosti sa odredbama ove Odluke u roku od 30 dana od dana stupanja na snagu ove Odluke.

#### Član 26.

Stupanjem na pravnu snagu ove Odluke, prestaje da važi Odluka o radnom vremenu objekata u oblasti trgovine, ugostiteljstva, zanatstva i uslužnih djelatnosti na području Općine Srebrenik ("Službeni glasnik općine Srebrenik" broj: 5/09, 6/09, 9/09 i 9/13).

Član 27.

Ova Odluka stupa na pravnu snagu osmog dana od dana objavljivanja u "Službenom glasniku Općine Srebrenik".

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA SREBRENİK**  
*- Općinsko vijeće -*

**PREDSJEDAVAJUĆI**  
**OPĆINSKOG VIJEĆA**

Broj: 01- /17  
Datum: 2017. godine

Prim.dr Ibrahim Zukić

## OBRAZLOŽENJE

### PRAVNI OSNOV

Pravni osnov za donošenje ove Odluke nalazi se u odredbama člana 40. Zakona o obrtu i srodnim djelatnostima ("Službene novine FBiH", broj: 35/09 i 42/11), člana 24. Zakona o unutrašnjoj trgovini ("Službene novine FBiH", broj: 4/10), člana 11. Zakona o ugostiteljskoj djelatnosti ("Službene novine FBiH", broj: 32/09) i člana 24. Statuta Općine Srebrenik ("Službeni glasnik Općine Srebrenik", broj: 1/08).

### RAZLOZI ZA DONOŠENJE

Postojeća Odluka koja reguliše radno vrijeme objekata u oblasti trgovine, ugostiteljstva, turizma, zanatstva i uslužnih djelatnosti na području Općine donesena je još 2009. godine, nakon čega je u nekoliko navrata (tri puta) vršena njena izmjena – posljednji put 2013. godine.

Primjena postojeće Odluke pokazala je da ista sadrži određene nepreciznosti, koje ponekad otežavaju njeno provođenje ili otvaraju određene dileme u njenoj primjeni.

Osnovni tekst Odluke je dosadašnjim izmjenama u najvećem dijelu promijenjen, a vijećnici Općinskog vijeća su u nekoliko diskusija u minulom periodu tražili izmjene iste.

U cilju da se određena normativna rješenja u postojećoj Odluci preciziraju, da se aktueliziraju određena pitanja koja se tiču materije koju predmetna Odluka reguliše i da se određena rješenja odnosno pitanja uredi u skladu sa sugestijama vijećnika i zahtjevima koji proizlaze iz njene primjene, pripremljen je ovaj nacrt Odluke.

U cilju donošenja nove Odluke o radnom vremenu objekata u oblasti trgovine, ugostiteljstva, turizma, zanatstva i uslužnih djelatnosti na području Općine, predlaže se Općinskom vijeću da prihvati ovaj Nacrt i da da sugestije za pripremu Prijedloga ove Odluke.

OBRAĐIVAČ